
POSLANICE PEJOVIĆ I ĆINČUR: ZAHTIJEVAMO HITNU REAKCIJU NADLEŽNIH NA NAVODE ZAPOSLENIH U COTEE-U

Sa posebnom pažnjom i zabrinutošću pratimo navode zaposlenih žena koje su ukazale na ozbiljne primjere zlostavljanja i mobinga od strane gospodina Gredića. Ovakvo ponašanje direktno ugrožava dostojanstvo, pravo na rad i mentalno zdravlje žena, i ne smije proći neopaženo niti ostati nekažnjeno.

Svaka žena zaslužuje radno okruženje u kojem će biti poštovana, sigurna i ohrabrena da razvija svoj puni potencijal. U društvu u kojem, nažalost, još uvijek imamo poražavajuće podatke da je u posljednjih pet godina donesena samo jedna presuda za mobing, važno je poslati jasnu poruku da nasilje i zlostavljanje nemaju mjesto ni u jednoj instituciji. Moramo voditi posebnu pažnju o tome koga imenujemo na visoke funkcije, jer ignorisanje ovakvih navoda i partijska zaštita ne znače ništa drugo do otvorenu podršku nasilju nad ženama.

Pozivamo nadležne organe da pažljivo i nepristrasno ispitaju sve navode i preduzmu odlučne korake kako bi zaštitili žene i osnažili njihovu vjeru u pravdu i institucije. Snažno vjerujemo da je borba protiv mobinga borba za dostojanstvo i osnovna ljudska prava svake žene u Crnoj Gori.